

Mientras tin hopi mucha ta bay school sin come Ministro Marisol ta gasta placa na grandi cu propaganda politico

ORANJESTAD (AAN)-- Personal cu ta traha tur siman cu muchanan cu mester haya educacion na schoolnan na Aruba ta haya cu e momento a yega cu e berdad mester wordo treci na conocimiento di pueblo pa loke ta trata muchanan cu tur dia ta bay school siendo cu nan no a haya ni un pida pan pa nan come como desayuno.

Na Aruba tin pobreza y tin hopi famia ta pasa den momentonan hopi dificil y specialmente muchanan chiquito cu tur siman ta bay school sin cu nan a come na cas.

Ta poco hende ta dispuesto pa sali pa dilanti y pidi ayudo pa e situacion financiero y social cu nan ta pasando aden y ta pesey e gobierno actual por sigui abusa cu placa di pueblo na lugar di actua pa drecha e situacion social cu hopi famia ta pasando aden.

Esnan cu a haci Censo algun aña pasa por bisa pueblo na cuanto cas di famia nan a pasa y den ki situacion hopi famia ta biba unda muchanan cu ta bay school no tin cuminda drechi pa come.

Personal cu ta traha cu muchanan na school tambe ta experiencia con muchanan ta cay flauw na school pasobra nan no tin di come na cas.

Tin schoolnan na unda cu personal tur luna ta pone placa di na mesun saco den un pot pa cumpra pan y beleg tur mainta pa un grupo di mucha cu no ta haya cuminda na cas.

Schoolnan no tin material drechi pa traha cune y mayoria material cu nan mester y cu nan no ta haya di gobierno mester wordo

cumpra cu placa recauda via actividadnan manera bingo y BBQ of rifa.

Gobierno ta bisa cada biaha cu nan no tin suficiente placa y door di esey schoolnan no por haya tur loke nan mester na material y infraestructura, pero ultimo lunanan ministro Marisol kende ta encarga cu asuntonan social ta gastando placa manera loco cu tur sorto di propaganda politico na radio.

Hende no por cende radio cu cada biaha bo ta tende propaganda politico encunto con bon ministro Marisol ta trahando pa pueblo y ta habriendo oficina aki aya, pero e situacion social na Aruba mes a bay atras y a bira peor cu bao di e gobierno anterior.

No tin placa pa yuda famianan den situacionnan social dificil pero pa haci propaganda politico cu e meta netamente pa logra bolbe den sea parlamento of riba e stoel di ministro si e gobierno actual tin tur placa di mundo pa gasta.

Esaki ta u maneho di dobel cara cu mester bin claridad

riba dje y ta pesey tambe personal cu ta traha den enseñanza ta haya cu e momento a yega cu ministro Marisol Tromp mester

mosta pueblo kico realmente su persona como ministro encarga cu asuntonan social a haci pa muchanan cu tur dia

ta bay school sin por a haya un pida pan pa come mainta. Bo no por gasta placa pa loco cu propaganda mientras gobierno ta bisa cu no tin placa y di otro banda tin criaturanan inocente ta pasa hamber bao di un maneho anti social di e gobierno actual.

Caso di Sindicatonan v.s Gobierno ta sigui Diabierna

ORANJESTAD (AAN): E caso sumario cu algun Sindicato di e Bloque a entabla Dialuna mainta contra Gobierno, a worde pasa awor pa Diabierna.

Abogadonan pa e sindicatonan ta di Advokatenkantoor Oomen & Offringa, mientras esnan pa gobierno ta bini di e bufete di Promes Van Doorne.

Meta di e caso ta pa: (1) Haya gobierno na mesa a corto plazo, segun principian di bon gobernacion y negocia efectivamente encunto di indexering y inhaalmanoeuvre a base di un cuadro financiero realistico.

(2) Haya e cuadro financiero

realistico, pues splicacion/aclaracion di e calculacionnan cu gobierno a manda y haya cifranan tocante personal tuma den servicio desde 2001.

(3) Urgencia pa tranquilidad den comunidad y pa yega na un clima di trabao positivo.

Den e caso aki, e Sindicatonan ta exige pa nan haya "cifranan real" for di Gobierno pa asina nan por analiza si e "miyones" cu Gobierno ta papia di dje den e negociacion pa cu Indexering, ta cuadra of no.

Pa Sindicatonan, ta sumamente importante pa nan haya e cifranan real cu Gobierno ta usando pa asina nan mira si di berdad e

situacion ta asina, of si acaso ta Gobierno ta bulando pipa y hunga tovenaar cu sentimento di e Ambtenaarnan.


Esey ta e esencia di e caso den Corte.

Sin embargo, no ta tur e Sindicatonan den e Bloque ta di acuerdo cu e acercamento via Corte. Sindicato SEPPA mes tabata ausente den esaki. Esey ta debi cu e Sindicato aki kier pa esaki worde haci via di Parlamento.

E diferencia di opinion aki a worde acepta den e Bloque. Tog e resto di Sindicatonan a opta pa bay via di Corte, pasobra ta esencial pa haya e "cifranan" aki prome cu nan bay Parlamento.

Diabierna awor, e caso aki lo sigui.

DOG THE POLICE HUNTER!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



DVD Home Theater

Afl: 225,=